

Khris' Suangphum

Suangphum Iepkhitsa Ioungal suangphum dang kuamah in a lem theita kei, huai suangphum Jesu Khris ahi - 1 Kor. 3:11

Vol. XIX. No. 11

Private circulation

March 14, 2021

Bangziak a Mihausa Mohpaih a om?

- Jamson -

Hiai a mihausa I chih kuadang ahikei a Luke 16 a mihausa leh Lazar tangthu a kigen pen ahi. I thei-hsiamna diing un a tangthu toh kisai tomkim in taklang masa ni. Hiai mihausa leh Lazar gentehna thu scene thum bang in khen theih hi. A masa in mihausa leh khutdoh Lazar leitung hinkhua hong kilang masa hi (19-21). Mihausa tuh nuamtat tak leh chil hetlou in khosa a, puansandup leh puanmalngat in kizem hi. Niteng in ankuang thupitaktak a luisek. Puansandup tuh nidanglai hun a kumpi nam leh mithupi mahmahte kivatna ahi (Vaihawmte 8:26; Esther 8:15; Danial 5:7). Abanah, asihna thu uh hong kilang nawn (22). Lazar a si a, mihausa leng ahong si a vui in a om. Khutdoh Lazar bel miteng in a si diing mah in a koih diing uh. Himahleh Mihausa bel si diing in koih khollou diing uhi. A sih in leng lamdangsa (schock) mahmah diing uhi. A hauh ziak in sihna a pumpelth thei tuankei.

Huan, atawpna ah a sihnung thu uh hong kilang hi (23-31). Lazar sih in Angelte'n a tonpih ua Abraham ang ah akoih uh. Mihausa bel mohpaih a om ahihman in gimthuakna ah apai hi. A hauhna tengteng suahkhiaksak in a om. A neih leh lam bangmah a tonpih theikei (cf. Sam 49:16-19; 1 Timothi 6:7). A sihnung un mihausa tuh khutdoh ahong suak maimah hi. A damlai ni a ahinna a humbit sawmziak in a tan loh hi. Jesu'n kuapeuh a hinna hum in a tan diing chi hi (Luke 17:33).

Bangziak a mihausa mohpaih a om hiam?

A hauhsak ziak a mohpaih ahi diam? Ahikei chih I thei. Lazar pomtu Abraham mahmah leng hiai mihausa pa bangbang a hausa leh thupi ahi (Genesis 13:2, 5-6). Huchi mahbang in Isak (Genesis 26:11-14), Jokob (Genesis 32:5) banah Pathian mizat mihausa leh thupi tampi a om hi.

1. Midangte a awlmoh louhziak -

Mihausa kongpi bul ah khutdoh Lazar bangchituk a sawt a lum dia? A zahchet gen in omkei mahleh a sihnung a ameltheih diing khop a sawt lum ahihdan a tangthu apan a muhtheih hi. A luta-pawt teng a mu gige diing hinapi in gilkiak a simai diing Lazar awlmohna leh khokngaihna himhim a neikei. A ngaihsak hetkei chih I muthei. **A kongpi bul a khutdoh a lum Lazar a ngaihsak louh ziak in ahi mihausa mohpaih a a-om.**

Mihausa mohpaih a omna ziak I genta. Ahihleh ei kongpi bul ah Lazar bangzah vei ahon tuta

a? I awlmoh in I ngaihsak uhia? Mihausa kongpi bul a khutdoh Lazar tuh mihausa mohpuak hi'n Pathian in angai. Tua mahbang in ei kongpi bul a genthei tuh ei mohpuak hi'n Pathian in a koih diing. Pathian in gentheite awlmoh in khotuah mahmah hi (cf. Paunakte 14:31; 19:17; Lev. 19:9-10; Deut. 24:19-20; 1 Johan 4:19-21). Huai Pathian awlmoh leh khotuahte awlmohlou a ngaihsaklouna in Pathian a kipaksak kei hial diing.

2. Angmasial mi ahiziak -

Awlmohna leh khokngaihna neihlouna sang a khokzaw mihausa hihna khat tuh angmasialna (selfishness) ahi. Huai angmasialna in a kongpi bul a khutdoh awlmoh louhna a pia. A neihsa teng toh angmasial (selfish) tak in hinkhua a zang a midangte awlmohna aneikei. A neihsate zalzohna pen leitung a adamsan ana sakha in huaite a ana kisathei kha hi. Laisiangthou in bel angmasialtak a om diing in hon deih ngeikei. Ei a diing kia enlou a midangte a diing leng ensam diing in hon sinsakzaw. Jesu lungsim bang lungsim pu di'n hilh in I omzaw uh. Philipite 2:2-9 kikal hohtak in simthak in. **'Ka lamsa tuh kei a ahi'** I chih ahi kha diing. Khris Jesu a om huai lungsim gelthak mah dih! **Jesu'n 'kei a chuh kei a ahi'** ana chi hileh bang I suak diing ua?

3. Gelthoh Pathian thutak leh agentu Jawlneite a limsalouh ziak -

Misikhua a gimthuakna a amah adia lamet himhim omnawnlou ahi chih a theih in leitung a



PLACE OF WORSHIP

UCI Building,
Sector - VI. RK Puram,
New Delhi - 110022

Phone No. 9953968807

website : www.cocdelhi.org

**'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'**

Enkaitu : Jamson Guite

BIBLE CLASS

Class

Adult : Khenpi, Siamkhanmuan
Inter. : James & Jamson
Junior : Ginsuan & Suanlian
Primary : Minlun & Niangngaihching
Beginner : Chingkhanlun & Pauliansiam

Teacher

TOUPA NI THILPIAK

Date 07.03.2021 - ₹ 37,071/-

THOUGHT OF THE WEEK

Kuapeuh khuttawi lian mit nei vualzawl in a om diing: mi genthei kiang a atanghou a kipan a piak ziak in (Paunakte 22:9).

THU TUAMTUAM

THU TUAMTUAM

BIAKNA PROGRAM

Toupa Ni' (14/03/2021)

Hun-uk thumna : Thangliankhup
Lapi : Thangliankhup
Thilpiak : Thongginlian
Theihgigena : Kammuanlal
Thugen : Jamson
Thumna : Janglet

Toupa Ni' (21/03/2021)

Hun-uk thumna : Pauminlun
Lapi : Pauminlun
Thilpiak : Lang James
Theihgigena : Tawnsianpau
Thugen : Janglet
Thumna : Thangzalam

HONGTUNG

Lockdown ziak a kumlui a innlam pai unaunu Brenda leh unaunu Judith kal masa in Delhi hongtung ki-knawnta uh. Unaunu Brenda in a zillai sumzom diing a ,unaunu Judith in ahilheh JNU a Master degree a zoh toh kiton in poimoh sukfel diing aneih teng sufel in innlam ah paikiknawta hi. A zillai hoihtak a ahon zohkhiak theih ziak in i kipahpih uh. Maban a leng ahong lohching touhzel i dehsak uhi.

TUKAL IN ZINTA DIING

Songpijang a unaute program zang diing in unaupa Jamson tu nilaini chiang in zinkheta diing. A sawm bang a apai theihlehh Manipur lam leng va phasuak diing a lamka leh a sehvel a unaute omna khuate leng va vehkual diing hi. Dam a Pathian in lem a chih leh April 12 chiang in hong kilehkik nawn diing hi. Unaute'n i thumna uah phawk ni.

MEETING OM

Zan kiginni in unaupa Thangzalam inn ah Saptuam business ngeina bang in neih in om nawn hi. Hiai hun ah unau pasal sawmlekhkhat kipaikhawm a Saptuam sum dinmun leh thupoi-moh tuamtuam genkhawm in om. Tukha a Family fellowship neih diing toh kisai leng genkhawm in om hi.

FAMILY FELLOWSHIP

Pathian in lem a chih leh tukha ni 27 chiang in Family fellowship -1 neih hi diing. Ngaklah huai mahmah. Huai diing in kimansak chiat ni.

DELHI CHURCH OF CHRIST

Financial Report

February 2021

Opening Bal.	6,90,832.00
Total Recd.	1,46,996.00
Grand Total	8,37,828.00
Total Expnd.	1,38,375.00
Closing Bal.	6,99,452.00

Philipite 4:17-19

Thilpiak ka zon ziak ahikei a, nou adling a gah-pung ka zong ahizaw hi.

A himhim in thil bangkim ka nei a, ka hau a; hihdim in ka om a noumau apat bangbang hiam, gimnam-tui, kithoihna hoih, Pathian kipaksak, Epatrodita a kipan in ka na mu hi.

Huai chiang in ka Pathian in Khrist Jesu thupina a hauhna bang in na tak-sap tengteng uh a honpe ngeingei diing hi.

Sutzopna... Bangziak a Mihausa Mohpaih a om ?

asanggam pasal nga omlaite kiang a thugen dia Lazar sawl diing in mihausa in Abraham a ngen hi. Abraham dawnna tuh Mosi leh Jawlneite thu ana ngai uhen chih ahi. Himahleh mihausa in misi lak apan Lazar vapai in va gen leh kisik diing uh ahi chi'n a dawng. Huai omzia bel kei leng ka damlai in misi lak apan kuahiam in hon vau hileh ginta diing ka hi chi chinuam ahi. Hiaite apan in mihausa in adamlai in leitung a Pathian thu leh a gentute bangmah in ana ngaikei chih alang hi. Abraham dawnna bel leitung a Pathian thutak kigente tuh misi lak apan thugen toh a poimohdan kibang chih ahi.

Lamdangtak a van apan kilakna tungtawn a hotdamna ngah diing kihilou hi. Pathian in a thu tungtawn in Jesu ah ahon sam hi (Johan 6:44-45; 1 Thes. 2:14; Rom. 1:16). Laiiangthou a thu kigen I simte, thugentute gente za a I san chiang in huai ah hotdam in ki-om hi (Jakob 1:21). Huaiziak in Pathian thu kigente bildoh in limsak ni. **A thu a enlou a agente a I etlehaw mihausa toh I kilamdang kei diing.**